

ՄՇԱԿՈՒԹԱՅԻՆ ԿԱՊԵՐ

ՎՐԱՑ ԿՈՄՊՈԶԻՏՈՐՆԵՐԸ ՀԱՅԱՍՏԱՆՈՒՄ

Ավարտվեց վրացական ժամանակակից երաժշտության եռօրյա փառատոնը Հայաստանում: Հիշեցնենք, որ նման փառատոներ պարբերաբար անցկացվում էին խորհրդային ժամանակներում և ահա արդեն քառորդ դար է, ինչ այդ ողջունելի ավանդույթը չէր վերականգնվում:

Հայաստանի Կոմպոզիտորների միությունը (նախագահ՝ արվեստի վաստակավոր գործիչ, պրոֆեսոր, կոմպոզիտոր Արամ Սաթյան), Հայաստանի մշակույթի նախարարության աջակցությամբ, հիմնովին նախապատրաստվել էր վրացական արդի երաժշտության փառատոնի անցկացմանը: Նշենք, որ փառատոնի անցկացման նախաձեռնությամբ հանդես է եկել Վրաստանի հայ երաժիշտների լիգան (նախագահ՝ Արտեմ Կիրակոզով): Վրաստանի պատվիրակության կազմում էին կոմպոզիտորներ Վաժա Ազարաշվիլին, Մակա Կիրսալաձեն, Օթար Թաթիշվիլին, Իրակլի Ցինցաձեն և ուրիշներ:



Ընդհանրապես, Հայաստանի և Վրաստանի երգահանների միջև ստեղծագործական և բարեկամական կապը վաղեմի պատմություն ունի: Ալեքսանդր Սպենդիարյանի և Ջաքարիա Փալիաշվիլուց բարեկամական էստաֆետան շարունակեցին Էդուարդ Միրզոյանը, Ալեքսանդր Հարությունյանը, Անտոն Բաբաջանյանը, Էմիլ Արիստակեսյանը, ովքեր բարեկամական սերտ կապեր ունեին Դավիթ Թորաձեի, Սուլիստան Ցինցաձեի, Ֆելիքս Գլոնտու և շատերի հետ: Մշակույթի գործիչների ստեղծագործական կապերը փոխհարստացնում էին արհեստավարժների միջև փորձի փոխանակումը, որոնք աչքի էին ընկնում ազգային ինքնությանը, խթանում էին հասարակության մտավոր և հոգևոր զարգացումը: Հայաստանում հյուրերը եղան Գիլիջանի

ստեղծագործողների տանը: Վրաց երաժշտության բոլոր համերգները լեփ-լեցուն հանդիսատեսով անցկացվեցին Գիլիջանի ու Գյումրիի երաժշտական քոլեջներում, եզրագծով հատելով Երեւանի Կոմիտասի անվան համերգասրահում:

Հայ երաժշտագետներն ու շարքային ունկնդիրները մեծ հետաքրքրություն ցուցաբերեցին վրաց հյուրերի ստեղծագործության նկատմամբ: Հայ երաժիշտների կատարմամբ հնչեցին Վաժա Ազարաշվիլու դաշնամուրային միմյալատյուրները և Օթար Թաթիշվիլու սոնատը, ջութակի, ֆլեյտայի ու դաշնամուրի համար գրված Կալի Ցաքաձեի սկորցոն, Ջուրաբ Նադարեիշվիլու և Գիորգի Շավերգաշվիլու լարային կվարտետները, Օմար Մինդրաշվիլու փողային եռյակը, Իրակլի Ցինցաձեի փողային քառյակի համար միմյալատյուրները, Մակա Կիրսալաձեի «Հիշողություն» գործիքային պիեսը: Հյուրերն առանձնակի մշեցին հայ երաժիշտների կողմից երգահանի մտածելակերպի մեջ ներթափանցելու գործում ցուցաբերած բարձր արհեստավարժությունը:

Այցի շրջանակներում հյուրերը եղան բանգարաններում, այցելեցին հիշարժան վայրեր: Ինչպես մշեցին հայ ու վրաց կոմպոզիտորները, սույն այցը դարձավ երկու երկրների կոմպոզիտորների և երաժիշտների միջև բարեկամության մոր փուլի մեկնարկը:

ԱՐՏԵՄ ԿԻՐԱԿՈԶՈՎ

ՏԱՐԱԾԱՆԵՐԸ

ԳՈՒԳՈՒԻ ՄԱՂՐԱԾԵՆ ՀԱՆԴԻՊԵՅ ԶԱՎԱԽԵԹԻ ԵՎ ՔՎԵՍՈ ՔԱՐԹԻ ՀԱՍԱՐԱԿԱԿԱՆ ԿԱԶՄԱԿԵՐՊՈՒԹՅՈՒՆՆԵՐԻ ՆԵՐԿԱՅԱՌՈՒՅԻՉՆԵՐԻՆ

Վրաստանի խորհրդարանի եվրախնամեզրման կոմիտեի առաջին փոխնախագահ Գուգուլի Մաղրաձեն, «Եվրախնամեզրման գործընթացի աջակցությունը Քվեմո Քարթլիում, Ջավախեթիում և Աջարիայի Ինքնավար Հանրապետությունում» նախագծի շրջանակներում, հանդիպում ունեցավ Ջավախեթիի և Քվեմո Քարթլիի տարածաշրջանների ոչ կառավարական կազմակերպությունների ներկայացուցիչների հետ: Հանդիպման կազմակերպիչն էր Վրաստանի ռազմավարության և միջազգային հարաբերությունների ուսումնասիրության հիմնադրամը:

Հանդիպմանը խոսվեց Վրաստանի և Եվրամիության միջև ընթացիկ հարաբերությունների, նաև՝ մինչև Եվրամիության հետ ասոցիացման համաձայնագրի ստորագրումը և ստորագրումից հետո առկա գլխավոր մարտահրավերների ու սպասումների մասին: Քննարկման գլխավոր թեման Վրաստանի Եվրոպական ընտրություններն էր ու այդ ընտրության զարգացման հեռանկարները: Գուգուլի Մաղրաձեն խոսեց Եվրոպական և Եվրատլանտյան տարածքում Վրաստանի միտման ու Եվրոպական տարածքում Վրաստանի դիրքի մշակման մասին: Եվրախնամեզրման կոմիտեի առաջին փոխնախարարը ներկաների ուշադրությունը բերեց Եվրամիության մերձեցման ուղու, մինչև ասոցիացման համաձայնագրի ստորագրումը և դրանից հետո առկա գլխավոր մարտահրավերների ու սպասումների, Եվրամիության առջև ստանձնած պարտավորությունների, անցած ժամանակահատվածում ձեռք բերած առաջընթացի ու բարդությունների վրա: Նա հետաքրքրվեց տեղի ոչ կառավարական կազմակերպությունների կողմից Եվրամիության վերաբերյալ քաղաքացիների տեղեկատվության մակարդակի բարձրացման ուղղությամբ իրականացված միջոցառումների հարցում: Ոչ կառավարական կազմակերպությունների ներկայացուցիչները, հանդիպման առանձնակի ընդգծեցին տարածաշրջաններում ազգային փոք-

րամասնության ներկայացուցիչների հետ անմիջական հանդիպման և երկխոսության իրականացման կարևորությունը: «Կարևորագույն նշանակություն ունի, երբ մարդիկ տեղեկատվություն ստանում են առաջին աղբյուրից, ինչն էլ ավելի է բարձրացնում վստահությունը դրանց նկատմամբ»,- նշվեց հանդիպմանը:

Գուգուլի Մաղրաձեն կարեւորեց նման հանդիպումների կարևորությունը, մշեցնելով, որ առանձնակի նշանակալից է, երբ մարդկանց մոտ կայուն կարծիք է ձևավորվում և վստահություն, որ Վրաստանը Եվրոպական ուղուց բացի, զարգացման այլ հեռանկար չունի: «Մենք աշխատում ենք և կշարունակենք աշխատել, որպեսզի մարդիկ հասկանան, որ Եվրոպական ընտրությունը յուրաքանչյուրիս համար է և դա նորմալ ապրելաձևի ընտրություն է: Դուք այն միջակա օղակն եք, որն անհամեմատ ավելի տեղեկացված է, թե, Վրաստանի համար, ինչ է նշանակում Եվրոպական ինտեգրումը: Մենք պատրաստ ենք հանդիպել բնակիչների հետ ու ձեզ հետ միասին խոսել բոլոր այն հարցերի շուրջ, որոնք հետաքրքրում են մարդկանց, որպեսզի նրանց մոտ հստակ պատկերացում ստեղծվի Վրաստանի համար Եվրոպայի նշանակության վերաբերյալ»,- հանդիպմանը հայտարարեց Գուգուլի Մաղրաձեն:

ԱՐԵՎԻԿԱ ՄԱՆՈՒԿՅԱՆ

ՀՐԱՏԱՊ ԹԵՄԱ

ԻՆՉՊԵՄ ԵՎ ՌԻՄ ԴԻՄԵԼ ՎՐԱՍՏԱՆԻ ՔԱՂԱՔԱՅԻՈՒԹՅԱՆ ԵՎ ԿԵՅՈՒԹՅԱՆ ԹՈՒՅԼՏՎՈՒԹՅՈՒՆ ՍՏԱՆԱԼՈՒ ՀԱՄԱՐ

(Սկիզբը՝ 4-րդ էջում)

- Այժմ անդրադառնանք Վրաստանի քաղաքացիություն ստանալու թեմային: Ինչպե՞ս է տեղի ունենում Վրաստանի քաղաքացիության ստացումը:

- Համաձայն Սահմանադրության, Վրաստանի քաղաքացիության ստացումը տեղի է ունենում ի ծնե կամ հպատակագրմամբ:

Ի ծնե Վրաստանի քաղաքացիություն տրվում է. անձին, ում ծնվելու պահին նրա ծնողներից մեկը Վրաստանի քաղաքացի է, Վրաստանում առանց քաղաքացիության անձի կարգավիճակ ունեցողի զավակին, որը ծնվել է Վրաստանի տարածքում, Վրաստանի տարածքում ծնված անձին, որի ծնողներից մեկը Վրաստանում առանց քաղաքացիության կարգավիճակ ունեցող անձ է, իսկ երկրորդ ծնողը՝ անհայտ է:

Ինչ վերաբերում է հպատակագրմամբ Վրաստանի քաղաքացիության տրմանը, ապա սովորական կարգով Վրաստանի քաղաքացիություն է տրվում այն անձին, որը վերջին 5 տարիների ընթացքում օրինակաճորեն անընդմեջ ապրում է Վրաստանի տարածքում և սահմանված շրջանակներում տիրապետում է պետական լեզվին, գիտի երկրի պատմությունը ու իրավական հիմնական դրույթները, միաժամանակ ունի աշխատանք կամ անշարժ գույք, կամ արտադրական գործունեություն է իրականացնում, Վրաստանում գրանցված արտադրությունում փայտտեր է կամ բաժնետեր:

Ասեմ նաև, որ Վրաստանի քաղաքացու հետ ամուսնացած անձը, ով օրինական կարգով անընդմեջ ապրում է Վրաստանում՝ մինչև ղիմումի ներկայացման օրը վերջին 2 տարվա ընթացքում, Վրաստանի քաղաքացիությունը դյուրացված կարգով կշնորհվի, եթե նա սահմանված շրջանակներում տիրապետում է Վրաստանի պետական լեզվին, Վրաստանի պատմությանը և իրավական հիմնական դրույթներին:

- Իսկ ո՞ր մարմինն է ստուգում լեզվի,

պատմության և իրավական հիմունքների իմացության մակարդակը:

- Վրաստանի պետական լեզվի, Վրաստանի պատմության և իրավական հիմնական դրույթների իմացության մակարդակի ստուգումը իրականացնում է նախարարության բաղաքացիական հարցերով համեմատող-վը թեստավորման միջոցով:

- Շատերի առջև ծառայած է Վրաստանի քաղաքացիության վերականգնման հարցը: Դա ինչպե՞ս է իրականացվում:

- Վրաստանի քաղաքացիություն վերականգնման կարգով շնորհվում է այն անձին, ում Վրաստանի քաղաքացիությունը ընդհատվել է անօրինակաճորեն, Վրաստանի քաղաքացիությունից դուրս գալով, ծնողի կամ ծնողների ընտրության արդյունքում (միայն չափահասության հասնելուց հետո):

Ավելացնում, որ վերականգնման կարգով Վրաստանի քաղաքացիության շնորհման համար օտարերկրյա քաղաքացիները, սահմանվածի շրջանակներում, պետք է տիրապետեն Վրաստանի պետական լեզվին:

- Ասում են, որ քաղաքացիությունը շնորհվում է նաև քաղաքի կարգով: Ինչպե՞ս է տեղի ունենում այդ գործընթացը և, ո՞ւմ կարող է այն առնչվել:

- Այո, բացառության կարգով Վրաստանի քաղաքացիություն կարող է շնորհել Վրաստանի նախագահը օտարերկրյա քաղաքացուն, ով Վրաստանի առջև ունի քաղաքացիության ծառայություն կամ, ում Վրաստանի քաղաքացիության շնորհումը ելնում է պետական շահերից:

Բացառության կարգով Վրաստանի քաղաքացիության ստացման համար պետք է ղիմել ՀիԻԼ «Պետական սպասարկումների զարգացման գործակալության» տարածքային ծառայությանը, Արդարադատության տներին՝ ինչպես Թբիլիսիում, այնպես էլ տեղերում, հասարակական կենտրոնին, Վրաստանում գործող արտասահմանյան դեսպանությունների կամ հյուպատոսությունների ներկայացուցչությանը, հյուպատոսական հաս-

տատությանը, նաև՝ գործակալության օճկային ծառայությանը. skype: sda.ge, հեռ. 032 240 10 10

Ինչ վերաբերում է բացառության կարգով քաղաքացիության ստացման համար անհրաժեշտ փաստաթղթերին, ապա ղիմումի հետ պետք է ներկայացվեն ծննդյան վկայականի պատճենը (միայն այն դեպքում, եթե քաղաքացիություն ստանալ ցանկացող անձը ծնվել է արտասահմանում և ունի վերոնշյալ փաստաթուղթը), անձնագիրը կամ քաղաքացիության և անձը հաստատող այլ փաստաթուղթ, երկու լուսանկար, Վրաստանի քաղաքացու կամ Վրաստանում գրանցված իրավաբանական անձի առնվազն երկու երաշխավորագիրը օտարերկրյա քաղաքացուն Վրաստանի քաղաքացիություն շնորհելու վերաբերյալ, սակագնի վճարումը հաստատող կտրոնը:

Անչափահաս անձի դեպքում պարտադիր կարգով ներկայացվելու են ծննդյան վկայականն ու ծնողների համաձայնությունը:

Ասեմ նաև, ինչ վերաբերում է քաղաքացիության շնորհման մասին նախագահական հրամանագրի ուժի մեջ մտնելու ժամկետներին, ապա, սովորական, դյուրացված և վերականգնման կարգով այլ երկրի քաղաքացուն Վրաստանի քաղաքացիություն շնորհելու դեպքում, հրամանագիրն ուժի մեջ է մտնում Վրաստանի իրավասու մարմինների կողմից այդ անձի՝ այլ երկրի քաղաքացիությունից դուրս գալու հաստատող փաստաթղթի ստացումից անմիջապես հետո:

Նշեմ նաև, որ Վրաստանի քաղաքացիներ, բացի այն անձանցից, ովքեր վերոնշյալ կարգով ստացել կամ ստանալու են Վրաստանի քաղաքացիություն, համարվում են. մինչև 1975 թվականի մարտի 31-ը ծնված անձինք, ովքեր Վրաստանում ապրում են, ընդհանուր առմամբ, առնվազն 5 տարվա ընթացքում, 1993 թվականի մարտի 31-ի հաշվով գտնվում էին Վրաստանի տարածքում և, ովքեր չեն ստացել այլ երկրի քաղաքացիություն, Վրաստանի տարածքում ծնված

անձինք, ովքեր 1993 թվականի մարտի 31-ի հաշվով ապրում էին Վրաստանում և, ովքեր չեն ստացել այլ երկրի քաղաքացիություն, Վրաստանի տարածքում ծնված անձինք, ովքեր 1991 թվականի դեկտեմբերի 21-ից հետո հեռացել են Վրաստանի տարածքից և այդպիսով չեն բավարարում առաջին երկու կետերի պահանջներին, եթե նրանք չեն ստացել այլ երկրի քաղաքացիություն:

- Իսկ ի՞նչ կասե՞ք քաղաքացիության կարգով Վրաստանի քաղաքացիություն շնորհելու համար սահմանված ժամկետների ու սակագների մասին:

- Բացառության կարգով 30 օրվա ընթացքում քաղաքացիության ստացման սակագինը կազմում է 500 լարի, 60 օրվա ընթացքում հարցի կարգավորման համար հարկ է մուծել 350 լարի, իսկ 80 օրում կարգավիճակը ստանալու համար կպահանջվի 250 լարի:

- Եթե կարելի է, մի քանի խոսք՝ քաղաքացիության հաստատման, վերականգնման կարգով քաղաքացիության շնորհման, սովորական կամ դյուրացված կարգով քաղաքացիության շնորհման փաստաթղթի ստացման ժամկետների ու սակագնի մասին:

- Վրաստանի քաղաքացիության հաստատումը նույն օրում ստանալու համար, պետք է մուծել 75 լարի, փաստաթուղթը երեք օրում ստանալը արժե 50 լարի, 5 օրում՝ 30 լարի, իսկ սովորականի ընթացքում 15 օրում՝ անվճար:

Վերականգնման կարգով Վրաստանի քաղաքացիության շնորհման փաստաթուղթը 20 օրում ստանալու գործընթացն արժե 150 լարի, իսկ 30-րդ օրը դրա ստացման սակագինը կազմում է 100 լարի:

Ինչ վերաբերում է սովորական կամ դյուրացված կարգով Վրաստանի քաղաքացիության շնորհման փաստաթղթի ստացմանը, ապա, 20-րդ օրը այն ստանալու համար պետք է վճարել 300 լարի, 40 օրվա հաշվարկով՝ 200 լարի, 60 օրվա հաշվարկով՝ 100 լարի և 80-րդ օրը քաղաքացիության շնորհման փաստաթղթի ստացման սակագինը 50 լարի է:



ՀԱՅԱՍՏԱՆԻ ՆԱԽԱԳԱՀԻՆ ԿԸՆՏՐԻ ԸՆՏՐԻՉՆԵՐԻ ԺՈՂՈՎԸ ՅՈՐԹԱՄՅԱ ԺԱՄԿԵՏՈՎ, ԻՍԿ ԱԺ-Ն ԿԶԵՎԱՎՈՐՎԻ ԲԱՅԱՌԱՊԵՍ ՀԱՄԱՄԱՍՆԱԿԱՆ ՀԱՄԱԿԱՐԳՈՎ

«ՎՐԱՍՏԱՆԻ», ԱՐՄԵՆՊՐԵՍԻ, ՊԱՆԱՐՄԵՆԻԱՆԻ ԵՎ ԿԱՎԿԱԶՊՐԵՍԻ ՆՅՈՒԹԵՐՈՎ

ՀՐԱՊԱՐԱԿՎԵՑ ՍԱՇՄԱՆԱՐՈՒԹՅԱՆ ԱՈՒՑԻՆ ՅՈՐ ԳԼՈՒԽՆԵՐԻ ՆԱԽԱԳԻԾԸ

«ժողովրդավարությունը՝ իրավունքի միջոցով» եվրոպական հանձնաժողովի (Վենետիկի հանձնաժողովի) փորձագետների հետ քննարկումների արդյունքներով՝ Սահմանադրական բարեփոխումների մասնագիտական հանձնաժողովը հուլիսի 10-ի, 13-ի, 14-ի և 15-ի հերթական նիստերի ընթացքում լրամշակեց Սահմանադրության 1-7-րդ գլուխները: Սահմանադրության նշված գլուխների նախագծի նախնական տարբերակը հանրային քննարկումների համար հրապարակվել է՝ տեղադրվելով Հայաստանի Հանրապետության արդարադատության նախարարության պաշտոնական կայքում: Նախագծի վերաբերյալ առաջարկությունները կարող են ուղարկվել հանձնաժողովի քարտուղարությանը՝ handznajoghovi-qartugharutyun@moj.am էլեկտրոնային հասցեով:

Սահմանադրության 1-7 գլուխների նախնական տարբերակով առաջարկվում է, որ Ազգային ժողովը կազմվի առնվազն 101 պատգամավորից, Աժ-ն ընտրվի համամասնական ընտրակարգով, որը պետք է երաշխավորի կայուն խորհրդարանական մեծամասնության ձևավորումը: Միաժամանակ, սահմանվում է, որ Աժ ընտրություններին մասնակցող կուսակցու-

թյունները եւ կուսակցությունների դաշինքները պարտավոր են ներկայացնել վարչապետի թեկնածությունը եւ կառավարության ծրագրի հիմնադրույթները: Աժ-ն ընտրվելու է 5 տարի ժամկետով: Առաջարկների 5-րդ գլուխը, որը վերաբերում է Հանրապետության նախագահին եւ նրա լիազորություններին, նախատեսում է, որ նախագահը պետք է ընտրվի 7 տարի

պաշտոնավարման ժամկետով: Նույն անձը նախագահ կարող է ընտրվել միայն 1 անգամ՝ ի տարբերություն գործող Սահմանադրության, որի դեպքում սահմանափակումը վերաբերում է երկու անգամից ավելի անընդմեջ պաշտոնավարելուն: Միեւնույն ժամանակ, նախատեսվում է, որ հանրապետության նախագահին իր լիազորությունների իրականացման ընթացքում չի կարող լինել որեւէ կուսակցության անդամ: Նախնական տարբերակով առաջարկվում է նաեւ, որ նախագահը ընտրվի Ընտրիչների ժողովի կողմից, ոչ թե քաղաքացիների կողմից ուղիղ քվեարկությամբ: Ընդ որում, Ընտրիչների ժողովը կազմված պետք է լինի Ազգային ժողովի պատգամավորներից եւ Ազգային ժողովի պատգամավորների թվին հավասար տեղական ինքնակառավարման մարմինների կողմից

իրենց կազմից ընտրված ներկայացուցիչներից: Նախատեսվում է, որ Ընտրիչների ժողովը գումարվելու է Հանրապետության նախագահի լիազորությունների ավարտից ոչ շուտ, քան երեսուն, եւ ոչ ուշ, քան քառասուն օրվա ընթացքում: Կառավարությունը բաղկացած է վարչապետից, փոխվարչապետից ու նախարարներից: Նախնական տարբերակով հանրապետության նախագահը նորընտիր Ազգային ժողովի լիազորությունների ժամկետը սկսվելուց հետո՝ եռօրյա ժամկետում վարչապետ է նշանակում Աժ ընտրություններում հաղթած կուսակցության կամ կուսակցությունների դաշինքի ներկայացրած վարչապետի թեկնածուին: Միաժամանակ, նախատեսվում է, որ նախարարությունների թիվը չի կարող գերազանցել 18-ը:

40 ՄԻԼԻՈՆ ԴՈՒՆԱՐԻ ՎԱՐԿ՝ ՀԱՅԱՍՏԱՆԻՆ

Եվրասիական բանկը Հայաստանի ոռոգման համակարգի արդիականացման համար 40 միլիոն դոլարի ներդրումային վարկ կհատկացնի:

Եվրասիական բանկի պատվիրակությունը, Եվրասիական ֆոնդի զարգացման եւ կայունացման ծրագրերի բաժնի դեկավար Արտակ Ազիզյանի գլխավորությամբ, քննարկումներ է անցկացրել Հայաստանի ոռոգման համակարգի արդիականացման համար ներդրումային ֆինանսավորում

հատկացնելու առնչությամբ: Քննարկումների արդյունքում կողմերը մշակել են վարկային համաձայնագրի պայմանները, որոնք մոտակա ժամանակահատվածում կներկայացվեն Ջարգացման եւ կայունացման Եվրասիական ֆոնդի խորհրդի հաստատմանը: 2015թ.-ի վերջին կսկսվի



կկառուցվեն եւ կվերականգնվեն 8 ոռոգման համակարգեր՝ 70,4 կմ երկարությամբ, 8,1 կմ երկարությամբ մայր ջրանցքներ, 54,1 կմ երկարությամբ գյուղատնտեսական ջրանցքներ:

ՈՒՍԱՆՈՂԱԿԱՆ ՎԱՐԿԵՐԻ ԱՐՏՈՆՈՒԹՅՈՒՆՆԵՐԸ ՊԱՐԶԵՑՎԵՑԻՆ

Հայաստանի կառավարությունը նոր որոշմամբ եապես պարզեցրեց ուսանողների համար ուսումնական վարկերի արտոնությունները: Այդ նպատակով, գործադիր հավանություն տվեց իր նախորդ որոշումներից մեկում փոփոխություններ կատարելու նախագծին: Եթե նախկինում վարկը տրամադրվում էր անընդմեջ 4 տրանշով, ապա հիմա նախատեսվում է դրանք տրամադրել նաեւ

ընդմիջումներով, այն դեպքում, եթե ուսանողը ժամանակավորապես ընդհատում է ուսումը, օրինակ, երեխայի խնամքի համար կամ այլ աղբյուրներից ստացած կրթաթոշակի շնորհիվ ինքն է վճարում իր ուսման վարձը: Պետական եւ մասնավոր ԲՈՒՀ-երի ուսանողները պետության սուբսիդավորմամբ կարող են 10 տարով մինչեւ 1,8 մլն դրամի չափ արտոնյալ պայմաններով վարկ ստանալ:

ՀՈՎԻՏԱՆՆԵՆ ՄԱՆՈՒԿՅԱՆԸ ԱԶԱՏՎԵԼ Է ՆԱԽԱՐԱՐԻ ՊԱՇՏՈՆԻՑ



Հայաստանի արդարադատության նախարար Հովհաննես Մանուկյանն ազատվել է արդարադատության նախարարի պաշտոնից: Դեկավարվելով Հայաստանի Սահմանադրության 55-րդ հոդվածի 4-րդ կետով՝ Հայաստանի նախագահը զբաղեցրած պաշտոնից ազատել է Հայաստանի արդարադատության նախարար Հովհաննես Մանուկյանին:

Հովհաննես Մանուկյանը Հայաստանի արդարադատության նախարարի պաշտոնը ստանձնել էր 2014թ. ապրիլի 30-ին: Այդ ընթացքում նա փրատանում Հայաստանի արտակարգ եւ լիազոր դեսպանն էր, իսկ մինչ այդ զբաղեցրել է Հայաստանի վճարաբեկ դատարանի նախագահի պաշտոնը:

Նշենք, որ համացանցում իրավազեռներն ու ոչ կառավարական կազմակերպությունները բարձր գնահատական տվեցին արդարադատության նախարարի պաշտոնում Հովհաննես Մանուկյանի գործունեությանն ու նրա նախածեռնած բարեփոխումներին: Հայաստանի Հանապետական կուսակցության խոսնակ էղուարդ Շարմազանովի խոսքերով, ՀՀ-ն դեռեւս չի քննարկել արդարադատության նախարարի թեկնածուի հարցը: «Երբ կուսակցությունում քննարկենք այդ հարցը, այն ժամանակ մենք կասենք, իսկ այս պահին նոր նշանակման վերաբերյալ ես ոչինչ ասել չեմ կարող: Հովհաննես Մանուկյանի մասին էլ չեմ կարող որեւէ բան ասել: Նա ազատվել է իր դիմումի համաձայն», - ասաց Շարմազանովը:

ՀԱՄԱՆՅԱԿԱԿԱՆ ԽԱՂԵՐԻ ԶԱՆԸ ՎՈՐՎԵՑ ԱՆԹԱՄԱՐԻ ՍՈՒՐԲ ԽԱՉ ԵԿԵՂԵՑՈՒՄ

Համահայկական խաղերի համաշխարհային կոմիտեի պատվիրակությունը, ՀԽԳՎ նախագահ Իշխան Զաքարյանի գլխավորությամբ, հուլիսի 8-13-ին գտնվում էր Վանում:

Վանի քաղաքապետարանում պաշտոնական ընդունելության ժամանակ Համահայկական խաղերի համաշխարհային կոմիտեի նախագահը մանրամասն ներկայացրել է մարզական խաղերի պատմությունը, անցած ուղին՝ նշելով, որ այս խաղերի կարևոր առանձնահատկություններից մեկն էլ աննախադեպ մեծ՝ մոտ 730 հոգանոց պատվիրակության ժամանումն է Հայաստան Սասուն, Մուշ, Տիգրանակերտ, Վազք, Բիթլիս, Դերսիմ, Մալաթիա, Վան, Սամաթիա եւ Ստամբուլ քաղաքներից: Իշխան Զաքարյանը տեղեկացրել է նաեւ, որ, ի նշան աշխարհով մեկ սփռված հայերի միասնության, վառվելու է երեք ջահ՝ Արցախ, Սփյուռք եւ Հայրենիք եռամիասնությամբ: Առաջին երկու ջահերն ար-

դեն վառվել են, իսկ երրորդ ջահը ծրագրված է վառել Վանա լճի Աղթամար կղզում գտնվող Սուրբ Խաչ եկեղեցում: Վանի քաղաքապետը մեծ պատիվ է համարել իրենց մասնակցությունն այդ նախաձեռնությանը եւ իր պատվիրակությամբ քաղաքի մշակութային համույթներով ուղեկցել ՀԽԳՎ պատվիրակներին Աղթամար: Սուրբ Խաչ եկեղեցում Իշխան Զաքարյանի, Վանի քաղաքապետի եւ փոխքաղաքապետի պարզած ջահը բոցավառվել է Համահայկական խաղերի գործադիր կոմիտեի անդամների՝ եկեղեցում վառած մոմերից: Հայաստանի պատվիրակությունը այցելել է նաեւ Բիթլիս, Տիգրանակերտ, Մուշ, Անի, Կարս:



Կարսից պատվիրակությունն ուղևորվել է Վրաստան, Ջավախեթի երկրամաս, ապա անցել Գյումրի: Անցնելով Սարդարապատը, Մայր Աթոռ Սուրբ Էջմիածնում ստանալով Վեհափառ Հայրապետի օրհնությունը՝ օգոստոսի 2-ին մուտք կգործի Հանրապետական մարզադաշտ:

«ԱՆՅՆԱԿԱՆ ՄՈՒՆԻՍՏՐԱԿԱՆ ԳՈՐԾԱՆՈՒԹՅԱՆ ՄԱՍԻՆ» ՕՐԵՆՔԻ ՈՒՄ ԵՆՁ ԵՄՏԵԼ


«Անչնական տվյալների պաշտպանության մասին» Հայաստանի օրենքն ուժի մեջ է մտել 2015 թվականի հուլիսի մեկից: Օրենքով կարգավորում են պետական կառավարման կամ ՏԻՄ-երի, պետական կամ համայնքային հիմնարկների կամ կազմակերպությունների, իրավաբանական կամ ֆիզիկական անչանց կողմից անչնական տվյալները մշակելու, դրանց նկատմամբ պետական հսկողություն իրականացնելու կարգն ու պայմանները:

ՏԳՈՒ ԵՐԵՎԱՆԵՐԻ ԹԻՎԸ 50 ՀԱՉԱՐՈՎ ԱՎԵԼ Է

ՄԱԿ-ի Բնակչության հիմնադրամի հայաստանյան գրասենյակի գործադիր ներկայացուցիչ Գարիկ Հայրապետյանը՝ «Հողույթում սեռով պայմանավորված ընդհատումն օրենքով կարգվելի, ի՞նչ ազդեցություն կունենա օրենքի կիրառումը» թեմայով քննարկմանը տեղեկացրեց, որ 1993-ից ի վեր Հայաստանում 50 հազարով ավելի տղա երեխա է ծնվել, քան աղջիկ: «Սա դեռ ամուսնական շուկայում չենք տեսնում, ինչը կրթական մի քանի տարի հետո, երբ 1993 թվականի ծնվածներն ավելի ակտիվ վերաբարդողական տարիքում կլինեն»,- նշեց բանախոսը: 2011թ. ՄԱԿ-ի ուսումնասիրությունների համաչայն՝ Հայաստանում 113 տղա է ծնվում 100 աղջկա հաշվով: Եվ այս ցուցանիշով Հայաստանը երրորդն է Հինաստանից ու Արբեքանից հետո, Հայաստանից մի փոքր հետո են Վրաստանն ու Ալբանիան: Ըստ Գարիկ Հայրապետյանի, սա նշանակում է, որ այս բոլոր երկրները «մեկ նավակի» մեջ են:

ՆՈՐԱՅՐ ՎԱՐՊԱՆՅԱՆԸ՝ ԳՈՐԾԱՆՈՒԹՅԱՆ ԽԱՂԵՐԻ ԱՐՄԱԹԵ ՄԵՂԱՍՈՎԻՐ

Վրաստանում Հայաստանի արտակարգ եւ լիազոր դեսպան հանախայր ծանրորդ, օլիմպիական խաղերի աշխարհի եւ եվրոպայի բազմակի չեմպիոն Յուրի Վարդանյանի որդին Նորայր Տորոն պոյում ընթացող Պանամերիկյան խաղերում արծաթե մեդալակիր է դարձել: ԱՄՆ-ի դրոշի ներքո հանդես եկող Նորիկ Վարդանյանը 94 կգ քաշային կարգում երկամարտի 362 կգ արդյունք է ցույց տվել՝ ամերիկացի Քենդրիկ Ֆարիսուին գիջելով 4 կգ: Հիշեցնենք, որ 2012 թվականին Նորիկ Վարդանյանը Հայաստանի դրոշի ներքո հանդես գալով մասնակցել է Լոնդոնի Օլիմպիական խաղերին՝ զբաղեցնելով 11 հորիզոնականը (արդյունքը՝ երկամարտի 380 կգ):



ԵԿԵՂԵՑԱԿԱՆ

18.07.2015. Սուրբ Թադեոս առաքյալի եւ Սուրբ Սանդուխտ կույսի հիշատակության օր



ՀՈՒՆԻՍ

կոպուսի եւ տասն շաբաթների օրհանոցի կույսի հիշատակության օր

23.07.2015. Սուրբ Մարտիրոսի Արամի, Աբելի, Սեթի, Ենոքի, Ենոքի, Նոյի, Սեթիսեդեկի, Աբրահամի, Իսահակի, Դավթի, Դովսեփի, Մովսեսի, Ահարոնի, Եղիազարի, Դեթի հիշատակության օր

21.07.2015. Աբանագին եպիսկոպոսի հիշատակության օր

ԱՎԱՆԳՈՒՅՑ

ՊԱՅԾԱՌԱԿԵՐՊՈՒԹՅԱՆ ՏՈՆԸ ՎՐԱՍՏԱՆԻ ՀԱՅԿԱԿԱՆ ԵԿԵՂԵՑԻՆԵՐՈՒՄ

2015 թվականի հուլիսի 12-ին, Հայ Առաքելական Սուրբ Եկեղեցին նշեց հինգ տաղավար տոներից մեկը՝ Քրիստոսի Պայծառակերպության տոնը: Վարդավառը կամ Քրիստոսի Պայծառակերպությունը Հայ Առաքելական Եկեղեցու հինգ տաղավար տոներից է: Տոնը նշվում է Սուրբ Զատիկից 98 օր հետո՝ հունիսի 28-ից օգոստոսի 1-ն ընկած ժամանակահատվածում:

Ի ռ ո թ ,

տոնի պատմությունը գալիս է դեռևս հեթանոսական ժամանակներից: Հնում Վարդավառի տոնը կապում էին հայկական դիցարանի ջրի, սիրո, պտղաբերության ու գեղեցկության աստվածուհի Աստղիկի հետ: Վարդավառի տոնը նշվում էր ժողովրդական մեծ հանդիսություններով: Աստղիկին վարդեր էին նվիրում, աղավաղներ էին բաց թողնում եւ միմյանց վրա ջուր ցողում: Ջուր ցողելու սովորությունը պահպանվել է նաև մեր օրերում: Վարդավառի խորհուրդը եղել է նաև ջրի պաշտամունքը: Ջրին աղերսվող ծեսերն ունեցել են անձրևի խնդրելու, հնարավոր երաշտը կանխելու նշանակություն: Վարդավառին սովորաբար եկեղեցուն նվիրաբերել են հասկեր, աղեր-



սել, որ աղերսն ու այգիները գեղեցկացնում են աղետներից, ծառերի դալար ուտերով գարդարել են տները, ծաղկեփնջեր նվիրել միմյանց, աղավաղներ բռցրել, կազմակերպել ջրախաղեր, զվարճություններ, խնջույքներ...

Այն Սուրբ եւ Անճառ Պատարագով նշանավորվեց Վիրահայոց թեմի բոլոր եկեղեցիներում:

Տեր Գրիգոր Քրիստոսի Պայծառակերպության տոնի կապակցությամբ հետպատարագայն տոնական հանդիսություններ տեղի ունեցան Թբիլիսիի Սուրբ Եջմիածին, Ախալցխի «Սուրբ Գրիգոր Լուսավորիչ», Ախալքալաքի «Սուրբ Խաչ», Նինոծմինդայի «Սուրբ Սարգիս», Բաբունի «Սուրբ Փրկիչ» եւ Վրաստանի մյուս հայաբնակ շրջանների եկեղեցիներում:

ՄՇԱԿՈՒԹԱՅԻՆ ԺԱՌԱՆԳՈՒԹՅՈՒՆ

ՄՅԻՆԹԱՆ ՄԱՅ ՅՈՒՆԵՍԿՕ-Ի ՀՈՒՇԱՐՁԱՆՆԵՐԻ ՑՈՒՑԱԿՈՒՄ

Բոննում անցկացվեց ՅՈՒՆԵՍԿՕ-ի համաշխարհային ժառանգության կոմիտեի 39-րդ նստաշրջանը, որի աշխատանքին մասնակցում էին Վրաստանի մշակույթի եւ հուշարձանների պաշտպանության նախարար Միխեիլ Գիրգաձեն, առաջին փոխնախարար Լեւան Խարատիշվիլին եւ մշակութային ժառանգության պաշտպանության ազգային գործակալության տնօրեն Նիկոլոզ Անթոնյան:



Վրաց պատվիրակությունը կոմիտեի նիստին ներկայացրեց Սցիսթայի պատմական հուշարձանների վերականգնման ուղղությամբ կառավարության կողմից իրականացվող միջոցառումները: Կոմիտեի նիստում նշվեց, որ, հաշվի առնելով ներկայացված հաշվետվությունը, 2016 թվականին հարկ է Սցիսթայի պատմական հուշարձանները դուրս բերել վտանգի տակ հայտնված հուշարձանների ցուցակից:

ՏԱՐԵՐՔ

ՀԱՆՐԱԳՈՒՄԱՐՎԵՅ ԶԵՂԵՂՈՒՄՆԵՐԻ ՎՆԱՍԻ ՄԵԾՈՒԹՅՈՒՆԸ



Թբիլիսիում սաստիկ տեղատարափ անձրեւ է տեղացել՝ կարկուտի եւ քամու ուղեկցությամբ, հունիսի լույս 14-ի գիշերը: Տարերքի

Թբիլիսիում տեղի ունեցած ավերիչ հեղեղումից վնասը, հաշվի առնելով տուժած կենդանաբանական այգու՝ նոր վայր տեղափոխումը, կազմել է շուրջ 90 միլիոն դոլար: Այդ մասին հայտարարեց Թբիլիսիի փոքրաբազմաբնակիչ կոմսիտի Վառդանյանը:

մուլտիմեդիայի հետեւանքով վնասվել են բնակելի տներ, ճանապարհներ, ենթակառուցվածքային օբյեկտներ, լիովին ավերվել է Թբիլիսիի կենդանաբանական այգու տարածքը: Վերջին պաշտոնական տվյալներով, զոհվել է 19 մարդ, երեքը անհայտ կորած են համարվում: Նաեւ, ինչպես հաղորդում են Վրաստանի զանգվածային լրատվամիջոցները, կա 170 տուժած ընտանիք:

Կոմսիտի խոսքով կենդանաբանական այգին կտեղափոխեն Վրաստանի մայրաքաղաքի ծայրամաս՝ Թբիլիսիի ջրամբարի շրջան: Նախկին կենդանաբանական այգու տարածքում կկառուցվի հանգստի գոտի:

ՏՐԱՆՍՊՈՐՏ

ԹԲԻԼԻՍԻ-ԲԱԹՈՒՄԻ ԳՆԱՑՔԻ ՈՒՂԵՎՈՐՈՒԹՅԱՆ ԺԱՄԿԵՏԸ ԿԿՐՃԱՏՎԻ

Թբիլիսիից Բաթումի գնացքների ուղեւորության ժամկետը կկրճատվի գրեթե մեկ ժամով: Այդ նախագիծը, հնարավոր է իրականացվի 2019 թվականի վերջին: Նախագծի արժեքը կազմում է 260 միլիոն շվեյցարական մարկ:

Ինչպես տեղեկացրել են վրացական երկաթուղու, նոր երկաթգծի երկայնքով ծրագրվում է կառուցել վեց թունել: Թունելներից մեկի, 962 մետր երկարության ստորգետնյա անցումի բացումը կատարվեց հուլիսի 11-ին: Երկաթուղու, վերակառուցքավորման շրջանակներում, աշխատանքներ են տարվում նաեւ Խաչու-

րի-Մուլիթի ճանապարհահատվածում էլեկտրաֆիկացման ուղու տեղադրման ուղղությամբ: Ծրագրվում է նաեւ 23 կիլոմետրանոց ճանապարհահատվածի վերանորոգում: Վրացական երկաթուղու գտնում են, որ, վերոնշյալ նախագծի ավարտից հետո, երկաթուղու բեռնափոխադրումը տարեկան կհասց-



վի 65 միլիոն տոննայի, իսկ ազդանշանային կենտրոնացված եւ շրջափակման համակարգերի տեղադրմամբ, մինչեւ 123 միլիոն տոննայի:

Table with 10 columns and 10 rows containing numbers 1 through 64, representing a calendar or grid.

Large advertisement for 'VRASTAN' (ՎՐԱՍՏԱՆ) featuring a grid of numbers and text in Armenian. The text includes contact information and details about the company's services.

Footer section with contact information for 'VRASTAN' (ՎՐԱՍՏԱՆ) in Tbilisi, Georgia. It includes phone numbers, website, and email address.